



**Minneapolis Lub Tuam Tsev Hauj Lwm  
Ntsig Txog Tub Ceev Xwm  
Phau Ntawv Qhia Siv Txoj Cai thiab Txheej  
Txheem**

Nab Npawb:  
10-200

**Xuv Kaum - Cov Kev Tshawb Xyuas**

**Cov Txheej Txheem Kev Tshawb Xyuas**

**10-213 Cov Kev Cai Tuav Cia 36-Teev thiab 48 Teev**

04/01/93

(A-B)

Txoj kev cai tuav cia 36 teev txhais tau tias tus neeg raug ntes yuav raug iab liam los sis raug tso tawm ntawm kev ceev cia tsis dhau tshaj li 36 teev uas suav txij li lub sij hawm nws raug ntes mus. Qhov kev tuav cia 36 teev tsis suav nrog hnuv ntes, cov hnuv Sunday thiab cov hnuv so. Lub moos rau txoj kev cai 36 teev pib khiav nyob rau 0001 teev nyob rau hnuv tom qab hnuv raug ntes. Tej zaum lub Khauj Tim Tus Kws Lij Choj, nyob rau cov xwm txheej uas tseem ceeb heev, yuav tuaj yeem foob tau mus rau tsev hais plaub txhawm rau txuas sij hawm txoj kev cai 36 teev ntxiv. Qhov kev txuas sij hawm ntxiv no tsuas tau txais kev tso cai los ntawm lub Khauj Tim Tus Kws Lij Choj Lub Chaw Ua Hauj Lwm xwb.

Txoj kev cai 48 teev txhais tau tias yog txhua cov kev ntes uas tsis muaj ntawv tso cai nyob rau hauv "Lub Laj Thawj Uas Yuav Mus Taus" (probable cause) uas yuav tsum tau muaj kev tshab xyuas kev txiav txim nyob rau hauv 48 teev tom qab qhov kev raug ntes yog tias peb ceev cia tus neeg raug ntes txuas mus ntxiv. Txoj kev cai 48 teev yuav muaj kev pib siv tau kiag tam sim ntawd thaum muaj kev ceeb toom rau tus neeg uas xav tias muaj kev txhaum txog kev raug ntes (tsis yog lub sij hawm qhov kev coos los sis lub sij hawm tau ua cov kev tshaj tawm). Txoj kev cai no siv hloov pauv tsis tau txoj kev cai 36 teev; nws yog txoj kev cai uas nws muaj nws thiab yuav tsum ua raws li ob txoj kev cai no tib si. Cov neeg tshawb xyuas tsim nyog paub tias nyob rau qee xwm txheej, ncuu sij hawm tuav cia 36 teev ntev tshaj li ncuu sij hawm 48 teev.

Yog tias, nyob rau ncuu sij hawm raws li ib txwm ntawm qhov kev tshawb nrhiav, tus neeg tshawb xyuas nthuav qhia qhov xwm txheej rau lub Khauj Tim Tus Kws Lij Choj Lub Chaw Ua Hauj Lwm, ces yuav tau npaj, cog lus rau thiab tau kos npe daim ntawv tsis txaus siab ntawm hauv ntej ntawm Tsev Hais Plaub, nyob rau ncuu sij hawm 48 thiab 36 teev, tsis tas yuav muaj kev tshab xyuas kev txiav txim uas nyias ua nyias.

Yog tias, txawm li cas los xij, txoj kev cai 48 teev tsim ua rau muaj kev tsim nyog uas yuav tau ua qhov kev tshab xyuas kev txiav txim ntawm "Lub Laj Thawj Uas Yuav Mus Taus Uas Yuav Ceev Cia", ces nws yog tus neeg tshawb xyuas lub luag hauj lwm uas yuav qhia qhov no rau lub Khauj Tim Tus Kws Lij Choj Lub Chaw Ua Hauj Lwm thiab muab cov ntaub ntawv uas yuav tsum tau siv rau lawv txhawm rau pab txhawb "Lub Laj Thawj Uas Yuav Mus Taus" rau qhov kev ntes thiab kev ceev cia txuas mus ntxiv.

Ncuu sij hawm cov teev ua hauj lwm, kiag tam sim ntawd thaum uas tus neeg tshawb xyuas paub tias qhov kev tshab xyuas kev txiav txim ntawm "Lub Laj Thawj Uas Yuav Mus Taus" (probable cause) rau kev ntes muaj kev tsim nyog raws li txoj kev cai 48 teev, txhawm rau ua kev ceev cia

txuas mus ntxiv thoob plaws ncuaj sij hawm txoj kev cai 36 teev, nws yuav tsum xa cov ntaub ntawv pab txhawb mus rau Hennepin Khauj Tim Tus Kws Lij Choj Lub Chaw Ua Hauj Lwm. Hennepin Khauj Tim Tus Kws Lij Choj tus neeg ua hauj lwm yuav tau txais kev tshab xyuas kev txiav txim ntawm cov xwm txheej no thiab fev cov theej tawm rov qab mus rau tus neeg tshawb xyuas lub Tsev Hais Plaub qhov kev txiav txim. Yog tias lub Tsev Hais Plaub ua qhov kev nrhiav "Lub Laj Thawj Uas Yuav Mus Taus" thiab pom zoo ceev cia txuas mus ntxiv, ces nws yog lub luag hauj lwm ntawm tus neeg tshawb xyuas uas yuav ceeb toom rau Hennepin Khauj Tim Lub Tsev Txim. Yog tias lub tsev hais plaub tsis nrhiav "Lub Laj Thawj Uas Yuav Mus Taus" (probable cause).thiab yuav tsis pom zoo ceev cia txuas mus ntxiv, ces tus neeg tshawb xyuas yuav tsum tau tso tawm tus neeg raug ntes raws li phim (tsis muaj kev iab liam, kev tsis txaus siab uas tseem tos, ntaub ntawv kev iab liam, thiab lwm yam).

Nyob rau cov hnub Saturday, lub chaw Tshawb Xyuas tus neeg sawv cev thiab tus tub ceev xwm muaj lub luag hauj lwm yuav tsuam xyuas txhua cov kev tuav cia raws "Lub Laj Thawj Uas Yuav Mus Taus" (probable cause). Nyob rau cov hnub Sunday thiab cov hnub so, Tus Thawj Coj Saib Xyuas Ntawm Lub Chaw Zov Uas Zov Nruab Hnub yuav ua qhov kev tshab xyuas txhua cov kev tuav cia raws "Lub Laj Thawj Uas Yuav Mus Taus". Nyob rau cov xwm txheej uas yog tub ntxhais hluas, cov neeg tshawb xyuas tub ntxhais hluas muaj lub luag hauj lwm tshwj xeeb rau kev saib xyuas qhov kev ntes thiab txhua cov kev txiav txim raws li "Lub Laj Thawj Uas Yuav Mus Taus".

Nws yog lub luag hauj lwm ntawm Feem Hauj Lwm Ntsig Txog Tub Ntxhais Hluas tus neeg tshawb xyuas uas yuav ceeb toom rau Hennepin Khauj Tim Lub Chaw Ceev Cia Tub Ntxhais Hluas hais txog qhov kev ceev cia txuas mus ntxiv los sis kev tso tawm tus neeg uas xav tias muaj kev txhaum tom qab qhov kev taug xyuas kev ncaj ncees raws li "Lub Laj Thawj Uas Yuav Mus Taus".